



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

Art. III. An, & in quo actu intellectūs essentia prædestinationis consistat?

[urn:nbn:de:hbz:466:1-77146](#)

DE EXIST. ET ESSENTIA PRÆDESTINATIONIS.

9

ab intellectu, distinguitur tamen inadæquate, vel saltem quoad munia; & hac distinctione sufficit ut ad ejus applicationem requiratur usus ab electione distinctus. Unde ad confirmationem, distinguit Majorum. Est imperium, quoad munus dirigens, nego Majorum. Quod minus exigentis, concedo Majorum. Et distinguo Minorem, sicut sequitur ad imperium, ut dixiens, concedo Minorem. Ut exequens, nego Minorem, & Consequentiam,

⁴¹ Dices, Inter imperium ut dirigen & exequens, non est virtualis adæquata distinctione, sed vel inadæquata virtualis, vel solum quoad munia. Ergo nequit inter duas istas rationes media re alius voluntatis, virtualiter adæquata distinctione imperio, sub utraque ratione, qualiter necessarium est usum ab imperio distinguiri.

⁴² Sed nego Consequentiā, nam inter gratiam universalē, & ut justificantē, solū est distinctione actionis; & tamen medianter inter utrumque conceptum dispositiones ulimq; distinctiones unum, & supponentes aliud, ut docent Thomistae in materia de justificatione, & consequitiolem Vaquez. Item intellectio ut dictio, solū ratione differt a seipso ut est contemplatio & tamen inter illos conceptus mediat verbum realiter distinctum. Denique paternitas dividit, ut forma hypostatica, inadæquate solū distinguitur a seipso ut referente; & tamen inter illam, ut constituentem personam, & referentem, mediat generatio, quæ pro eo quod dicit in recto, virtualiter adæquata è paternitate distinguuntur, ut ostendemus Tractatu sequenti. Non debet ergo inconveniens censi, quod inter imperium divinum ut dirigen, & ipsum ut exequens, mediet usus adæquata distinctionis ab illo, etiā inter illos duos conceptus sola inveniatur inadæquata distinctione.

Argumenta quæ militant contra secundam conclusionem, & quæ probant, præter judicium regulans electionem, non dari in Deo nec in nobis imperium regulans usum & executionem, Tractati precedentis proposita sunt, & soluta, & de hoc iterum erit agendum in Tractatu de actibus humanis, ubi de prædicto actu imperii futuris differunt & disputant nostri Thomistæ contra Recentiores.

ARTICULUS III.

An, & in quo actu intellectus essentia prædestinationis consistat.

⁴³ Examiniatis auctib; ad negotium prædestinationis ex parte voluntatis & intellectus divini requisitis, restat investigandum in quo ex illis essentia prædestinationis consistat: circa quod duo occurruunt difficultates, breviter hic relolvendæ. Prima est generalis, an scilicet prædestinationis consistat essentialiter in actu intellectus, aut voluntatis, vel utriusque simul? Secunda specialis: supposito enim quod prædestinationis formaliter & essentialiter in actu intellectus sit, adhuc restat discutiendum, an talis actus sit judicium regulans electionem, vel imperium regulans usum & executionem?

⁴⁴ Prima sententia docet essentiam prædestinationis in actu voluntatis eligēris aliquos ad gloriam, & media ad ejus consecutionem: conno-

Tomus II.

A tanto tamen ordinem ad intellectum ordinantem, & conferentem media inter se & cum fine, formaliter consistere. Ita Vaquez disp. 87. ca. 3. & plures alii ex Recentioribus, sequentes Scotum, D. Bonaventuram, Gregorium & Aureolum in i. dist. 4. In quam etiam sententiam ut probabiliorē inclinat Suarez lib. 1. de essentia prædestinationis cap. 17.

Secunda in utroq; actu essentiam prædestinationis ex quo constituit. Pro qua referuntur A. lensis, Agidius, Marfilius, Petrus de Tarantasia; & ex Recentioribus, eam ut probabiliorē amplexetur Heric, pro illa referens Molinam & Beccanum.

Tertia quæ est communis in Schola D. Thomæ, in actu intellectus adæquata essentiam prædestinationis consistere docet; licet supponat & connotet actu voluntatis, qui est electio mediorum ad finem. Ita Capreolus, Ferrarensis, Cetianus, Bannez, Gonzales, Alvarez, & alii quos referunt & citant Salmanticenses, & Joannes à S. Thoma: eamq; etiam tenent ex Patribus Societatis Bellarmin, Granado, Ruiz, & alii quos super citavimus: quamvis aliqui ex illis in judicio regulante electionem, Thomistæ verò in imperio regulante usum & executionem, essentiam prædestinationis constituant.

S. I.

Resolvitur prima difficultas, & prædestinationem in actu intellectus, non autem voluntatis formaliter consistere demonstratur.

Dico primò: quamvis prædestinationis actū voluntatis præsupponat & connotet, essentia liter tamē & in recto, in actu intellectus cōsistit.

Prima pars conclusionis est certa, eamq; Adversariorum argumenta inferiū subjiciēda student; & insuper potest probari ex eo quod prædestinationis est libera & efficax ordinatio, quæ per convenientia & efficacia media Deus destinat seu transmittit creaturam rationalem in vita æternam: At nulla ordinatio ad intellectū pertinens: est per se libera, & efficax ad aliquem effectum, sed solū ut conjuncta divina volitione & electione: quia cū voluntas in agente intellectuā sit primum liberum, & primum mōvens quod ad exercitium, est prima radix totius libertatis & efficacitatis quæ in actibus intellectus reperitur: Ergo prædestinationis actū voluntatis præsupponit & connotat. Addo quod prædestinationis, ut infra dicemus, essentia liter cōsistit in actu imperii: At imperium actū voluntatis (mediorum scilicet electionem, ex qua habet efficaciam) supponit & connotat: Ergo & prædestinationis.

Probatur ergo secunda pars, de qua solū est difficultas & controversia. Primo quia prædestinationis est pars providentia, est enim perfectissima providentia, quæ creaturā rationalis ad æternam beatitudinem efficaciter ordinatur: Sed providentia, licet supponat & connotet actū voluntatis, essentia liter cōsistit in actu intellectus, ut fūse ostendimus Tractatu precedentem: Ergo & prædestinationis. Hanc rationem tangit D. Thomas quest. 6. de verit. art. 1. his verbis: *Sicut providentia cōsistit in actu rationis, sicut & prudenter cuius est pars, et quod solius rationis est dirigere vel ordinare, ita etiam prædestinationis in actu rationis cōsistit dirigere & ordinantis in finem.*

Secundò probatur ex Augustino de bono per-

B

Diff. 8.
art. 24

47

DISPUTATIO PRIMA

10

Leverantia cap. 14. ubi ait: *Hec prædestinatione sanctorum, nihil aliud est quam præscientia & preparatio beneficiorum Dei, quibus certissime liberantur qui cumque liberantur.* At præscientia ad intellectum pertinet, ut per se est manifestum; & etiam præparatio non passi ut patiatur, sed agentis ut agat, ad intellectum spectat; ut expressè docet D. Thomas quæst. 6. de veritate art. 1. ad 8. & 12. Et in hac quæstione art. 2. ad 3. ubi sic ait: *Duplex est præparatio, quedam pertinens ut patiatur, & hec præparatio est in præparato; alia est agentis ut agat, & hec est in agente; & talis præparatio prædestinatione est, prout agens per intellectum dicitur se præparare ad agendum, in quantum præconcipit rationem operis faciendi.* Ergo prædestinatione non in actu voluntatis, sed intellectus, essentialiter & in recto consistit,

Nonique suadetur eadem pars. Prædestinatione essentialiter est ordinatio creature rationalis ad gloriam: quo circa D. Thomas illam definens ait esse transmissionem creaturæ rationalis in vitam aeternam, & prædestinati in scriptura sacra. *Præordinati appellantur: juxta illud Actorum 13. Crediderunt quosque erant præordinati ad vitam aeternam.* Sed ordinare ad intellectum pertinet, & non ad voluntatem: Ergo & prædestinatione Major patet, Minor vero probatur multipliciter. Primo ex Aristotele 2. Metaph. cap. 2. dicente quod *Sapiens est ordinare: quare opus naturæ dicitur opus intelligentiæ, ratione ordinis reperti in illo.* Idem docet D. Thomas quæst. 6. de veritate art. 1. in corpore ubi ait: *sicut rationis est d'rigere & ordinare.* Et 2.2. quæst. 8.3. art. 1. probat orationem esse actum intellectus, quia consistit in quadam ordinatione inferioris ad superiorem.

Secundò, Ordinare unum ad aliud, est unum cum alio conferre: Sed collatio unius cum alio, ad intellectum practicum spectat, sicut ad speculativum illatio unius ex alio: Ergo ordinare ad intellectum pertinet & non ad voluntatem.

Tertio, Ordo rerum, secundum quod à principio egrediuntur, & inter se invicem collocantur, pertinet ad artem: qua est habitus intellectus, ut docet D. Thomas quæst. 5. de veritate art. 1. ad 9. Ergo ordinare rerum in finem, qua ad providentiam spectat, ut ibidem ait S. Doctor, soli auctui intellectus competere potest.

Quarto, Ordinare aliquid in finem, idem est quod dirigere illud in finem: Sed directio in finem ad intellectum spectat, & non ad voluntatem, qua cum sit potentia cœca, non potest alias dirigere, sed ab intellectu dirigi debet: Ergo idem quod prius.

Denique, Ordinare pertinet ad superiorem, ut constar in rebus humanis: nam dux in exercitu ordinat quid à militibus agendum sit, Princeps in republica, quid vasalli facere debeant, Prelati in Religione, quid subditi debeant operari: Sed intellectus in homine est suprema potentia, & nobilior voluntate, ut docent Thomistæ in libris de anima: Ergo ordinare ad intellectum pertinet, & non ad voluntatem, qua solum habet ex quo ordinationem rationis, volendo unum propter aliud; quod non est formaliter ordinare, sed ordinare ab intellectu præstitum sequi & supponere, ut eruditè expendit Cajetanus 1.2.q.17. art. 1. unde si objectum sine ordine proponatur, absque ordine etiam à voluntate appetitur.

49 Dices, *Habitus charitatis in voluntate reli-*

A det, & tamen ordinatus est, cum ex impetu & ordinatione illius, actus aliarum virtutum finem charitatis attingant, & meritum faciant: ut docet D. Thomas 1.2. quæst. 1. i. 4. art. 4. ex quo 2.2. quæst. 2.3. art. 4. infert charitatem esse formam virtutum, quia scilicet ordinatus actus illorum ad finem, qui in moralibus obtinet rationem formæ.

Respondeo habitum charitatis esse ordinatum motivè: hoc est movendo intellectum, ut per fidem, vel per prudentiam infusam, ordinatus aliarum virtutum in finem supernaturalem: non talem elicitive, hoc est eliciendo actu ordinatum formaliter.

Dico secundò: Prædestinatione non importat B ex aequo actum intellectus & voluntatis, sed ad æquatè consistit in actu intellectus, connorando solum in obliquo actu voluntatis.

Hæc conclusio patet ex jam dictis: nam prædestinatione, ut supra dicebamus, est pars propriae providentiae autem non importat ex quo actuum intellectus & voluntatis, sed essentialiter consistit in actu intellectus, connorando solum in obliquo actu voluntatis: ut ostendimus Tractatu precedentem, & expressè docet D. Thomas quæst. 5. de veritate art. 1. ubi ait: *Providentia includit scientiam & voluntatem, sed tamen essentialiter in cognitione manet, non quidem speculativa, sed practica.*

Addo quod prædestinatione, ut dicemus conclusio sequenti, essentialiter consistit in actu imperii: Sed actus imperii est elicitive à solo intellectu, quamvis supponat electionem & motionem voluntatis, earumque connorat in obiquo, ut docet S. Thomas 1.2. quæst. 17. art. 1. s. p. & prædestinatione.

Addo etiam, quod Augustinus supra relata ait, *prædestinationem nihil aliud est quam præscientiam & præparationem, quorum utrumque ad intellectum pertinere monstravimus.* Ergo actus voluntatis non constituit, etiam inadäquate, prædestinationis essentiam, sed in obliquo solum & de connotato in ea importatur: ut constat etiam in prudentia, omnipotencia, & aliis virtutibus, & attributis, ad quæ necesse est exguntur actus utriusque potentie, & tamen exillis non conflantur in recto, sed in actu unius in recto consistunt, altero ingrediente tantum de connetato.

E §. II.
Alia difficultas expeditur.
Supposito quod prædestinatione essentialiter in actu intellectus & non voluntatis consistit, restat discutiendum, at talis actus sit iudicium regulans electionem, quo de mediiorum convenientia judicatur, vel ipsum imperium supponit electionem, & regulans usum & executionem: manifestum est enim, prædestinationem in predicto regulante electionem ad gloriam non possit confitere, quia iudicium illud non est de medietate ad finem prædestinationis ordinatis, sed de fine prædestinationis, prædestinatione autem in efficacia mediiorum ordinatione consistit. Unde D. Thomas quæst. 5. de veritate art. 1. ad 2. hoc statuit: discrimen inter scientiam practicam & providentiam, quod illa est non solum de mediis, sed etiam de fine, providentia autem solum est de media ut ordinatis ad finem. Et quæst. sequenti art. 1. in corpore & in resp. ad 2. idipsum affirmat de prædestinatione, & docet quod illa supponit electionem ad gloriam: quod etiam assertit hic art. 4. Tota ergo difficultas procedit de iudicio regu-

DE EXIST. ET ESSENTIA PRÆDESTINATIONIS.

1

regulante electionem ad gratiam, & media ad gloriam efficaciter conduceantia; & de judicio pratico talem electionem subsequente, quod imperium appellatur. Pro cuius decisione Dico tertio: Prædestinationem non consistere in judicio regulante electionem, quo de mediiorum convenientia judicatur, sed in judicio pratico subsequente electionem, quod imperium vocatur.

Hac conclusio est expressa D. Thomæ quæst. præcedent art. 1, ad 2. ubi ait: *Precipere de ordinanda in finem, competit Deo, & secundum hoc convenit ratio prudentia & providentia.* Et in hac qualitate. 4. dicit quod prædestinationis est pars providentia: sicut & prudentia, est ratio in intellectu existens, præceptiva ordinationis aliquam in finem. Quibus verbis rationem fundamentalem nostræ conclusionis insinuat: Nam prædestination, ut pote providentia, consistit in adiutori principali prudentiae. Sed talis actus (ut ex Anthonio & D. Thoma vidimus art. præcedenti) est imperium: Ergo in actu imperii essentialiter consistit prædestination.

Poterea, Prædestinationis est ordinatio efficax mediiorum quibus electi infallibiliter vitam æternam consequuntur. Sive, ut ait Augustinus super relatus, est preparatio mediiorum quibus certissime liberantur quicumque liberantur: Sed judicium electionis regulans, estis ordinatio de mediis, non tamen est efficax ordinatio de his mediis determinata, cum adhuc illo posito liberum sit Deus, non solum in sensu diviso, sed etiam in sensu composito, hæc aut illa media in ordine ad gloriam eligere: Ergo in prædicto actu essentia prædestinationis consiliter nequit: unde cum illa in actu intellectus consistat, & non possit confundere in judicio regulante electionem ad gloriam, ut supra ostendimus, restat ut consistat in judicio pratico subsequente ad electionem, & regulante usum & executionem, quod obtinet rationem imperii.

Confirmatur & magis illustratur hæc ratio. Prædestination, cum sit efficacissima, & omnino infallibilis, si in aliquo actu divini intellectus formatur consilium, debet consilire in illo qui est omnium efficacissimus: Atqui actus judicii antecedens electionem non est talis, sed solum actus imperii ad illam subsequens, & regulans usum & executionem: Ergo non in illo actu, sed in illo prædestination essentialiter consistit. Major pars, minor vero simul declaratur & probatur. Nam intellectus per judicium præcedens electionem, judicat tantum de convenientia mediiorum in ordine ad opus, unde ille actus explicatur per modum indicativi, ut si dicamus, *bolum est hoc facere, vel hoc est conveniens facere,* & perinere ad illam habitudinem quam dicit voluntas ad finem per modum intentionis & affectus, & non ad eam quæ tendit in finem per modum executionis & causalitatis: unde in se non habet efficaciam ad executionem operis, nisi tandem radicaliter: posito enim judicio de convenientia mediiorum, potest non sequi effectus, ob difficultatem executionis. Imperium autem superadgit quandam intimationem rei exequendæ, movendo ad hoc quod fiat, & explicatur per modum imperativi, ut sic dicatur, *fac hoc;* pertinere quæ habitudinem quæ voluntas tendit in finem per modum executionis & causalitatis, quapropter itane imperio efficaci, non fiat non sequi operationem & executionem mediiorum:

Tom. II.

A Ergo imperium est actus intellectus practici omnium efficacissimus, ac proinde in illo inventur omnia ad constituendam essentiam prædestinationis necessaria. Est enim ratione sui ratio ordinis mediiorum in finem, cum ad intellectum practicum ordinatio pertineat; & est efficax in virtute electionis præcedentis, actus enim voluntatis præcedens, virtualiter clauditur in actu subsequenti: quod judicio electionem præcedenti petere nequit. Licet enim illud sit ordinatio mediiorum in finem, caret tamen efficacia, quam non potest habere ab electione subsequente; quia unus actus non dat efficaciam alteri, nisi vel influat in ipsum, vel in eo virtualiter permaneat: ad quod requiritur quadam antecessio, seu prioritas, saltem virtualis, quam non habet electio respectu judicij a quo regulatur, sed solùm respectu imperii ad illam consequentis, quo regulatur usus & executio operis.

§. III.

Solvuntur obieciones.

Objicies primò contra primam conclusio-
nem. In Scriptura prædestination appellatur
propositum, electio, & dilectio. Matth. 22.
Multi sunt vocati, pauci vero electi. Ad Ephes. 1.
C Elegit nos in ipso. Et infra. Prædestinavit secundum
propositum voluntatis sua. Ad Rom. 9. Jacob dilexit:
Sed propositum, dilectio, & electio, sunt actus
voluntatis: Ergo prædestinationis essentia in
actu voluntatis consistit.

Confirmatur primò: Damascenus lib. 2. de
fide cap. 9. dupliciter definit prædestinationem,
dicit enim quod prædestinationis est rerum procuratio
quæ Deus fungitur. Et rursus, Providentia est volun-
tas Dei, per quam res omnes aptè congruerterque
gubernat: Ergo prædestination, quæ est quædam
providentia, est actus voluntatis. Item Augustinus
de prædest. Sanct. cap. 15. prædestinationem
nominat, propositum miserendi. Et tandem D.
Thomas in Opusculo de prædest. cap. 1. ait:
Quamvis prædestination supponat actum cognitionis,
nominat tamen actum voluntatis eligentis, ad ea quæ
sola gratuità voluntate conferuntur.

Confirmatur secundò: Prædestination essentialiter est ille actus divina mentis, quo Deus destinat hominem ad gloriam: unde prædesti-
nationem idem sonat ac præcedens destinatio, ut no-
tat D. Thomas quæst. de verit. art. 1. Sed actus
destinandi, essentialiter est actus voluntatis, ut
pote decretum & propositum Dei: Ergo & præ-
destination.

E Ad objectionem respondeo cum Divo Tho-
ma loco citato in response ad primum. Quod
quia in actionibus animæ, precedens actus includit
ur quodammodo virtute in sequenti, & quia præ-
destination presupponit electionem, qua est in actu
voluntatis, ideo in ratione prædestinationis aliquid
includitur ad voluntatem perinens, & proper
hoc propositum, & alia ad voluntatem pertinentia,
in definitione prædestinationis quandoque ponuntur.
Et in resp. ad 2. ait: *Prædestination non est idem*
quod electio, sed presupponit eam, & inde est
quod prædestinati, etiam electi dicuntur. Addo
quod sicut prædestination in Scriptura, inter-
dum nominibus pertinentibus ad voluntatem
significatur, ita &ce nominibus ad intellectum
speciantibus explicatur: ut ad Roman. 11. Non
repulit Deus plebem suam quam præcivit, id est

B 2 præ-

prædestinavit, ut explicat Augustinus de dono A
periferantia cap. 17. Et 2. ad Timoth. 2. Firmū
fundamentum Dei stat, habens signaculum hoc, novit
domini qui sunt eius. Non potest ergo ex Scriptura efficaciter probari quod essentia præde-
stinationis in actu voluntatis aut intellectus con-
ficitur, sed hæc quæstio determinanda est discursu
Theologico, & ex principiis Philosophia
moralis, ex quibus conatur providentiam, ac
proinde prædestinationem, quæ est ejus pars,
esse formaliter ordinationem mediiorum, arque
ad eod dicere in recto actum intellectus practici,
& in obliquo actum voluntatis.

61 Ad primam confirmationem eodem modo
respondeatur. Et ad D. Damascenum, dico quod
sollicitudo & cura quam ponit in prima definitione,
non est actus voluntatis, ut perperam in-
telligit Vazquez, sed actus intellectus, qui est
imperium seu præceptum, ut expressè fecerit D.
Thomas 2.2. quæst. 47. art. 9. dicens hanc solli-
cititudinem esse partem prudentiae quæ in intel-
lectu residet. Et in solutione ad 1. art. quod in
præcepto & directione rationis sollicitudo con-
sistit. In secunda autem definitione actum voluntatis
ponit, vel quia ad prædestinationem præ-
supponitur, vel in illa virtualiter clauditur, ju-
sta dicta, & idem dico ad D. Augustinum.

62 Locus D. Thomas difficultius explicatur. Plu-
res dicunt illum mutasse sententiam: quod agre-
sustineo, nisi quando ipse fuit Præceptor Ange-
licus expressè aliquam sententiam refractar. Verius
dici potest, opusculum illud D. Thomas
non esse: tum quia inter alia opuscula non inven-
tur: tum etiam quia in Romana editione, quæ
cateris præferenda est, in illius operibus non
habetur, sed reperitur solum in fine primæ par-
tis, Lugdunensis impressionis, factæ anno 1552,
ubi ab aliquo studioso fuit interferrum. Potest et-
iam responderi verba prædicti testimonii intel-
ligi de actu cognitionis, respectu futurorum,
quorum præscientia ad prædestinationem sup-
ponitur, ut docuit D. Thomas 3. parte quæst. 1.
art. 3. ad 4. illorum scilicet (interpretate Cajeta-
no) quæ non causantur per prædestinationem.
Non autem de scientia præparativa mediiorum
quibus finis prædestinationis obtinetur. Poste-
riora autem verba interpretari possumus de
denominatione præsupposita & virtuali.

94 Ad secundam confirmationem negatur Mi-
nor: Nam licet definitio connotet actum vol-
luntatis, formaliter tamen est ordinatio mentis,
per quam concipit agens ipsam rationem operis
faciendi, ut explicat D. Thomas hic art. 2. ad 3.
Unde si prædestination significat aliquando pro-
positum exequendi talem ordinationem, est
minus proprie.

Objicies secundò contra eandem conclusio-
nem, In illo consistit essentialiter prædestinationis,
quo posito, & secluso quocumque alio, Petrus
v.g. consequitur gloriam, & sine quo, quocum-
que alio posito, eam non consequitur; gloria
enim est effectus præcipius prædestinationis:
Sed talis est actus voluntatis divina; sicut enim
impossibile est aliquem consequi gloriam sine
voluntate Dei efficaci, ita repugnat quod Deus
velit eam efficaciter aliqui conferre, & quod il-
lam non consequatur. Ergo in actu voluntatis
prædestinationis consistit essentialiter.

Confirmatur primò: Prædestinationis, & provi-
dentia generalis quæ Deus providet etiam re-
probis auxilia sufficientia ad salutem: solum di-

stinguuntur in hoc quod prædestinationis includit
voluntatem efficacem dandi gloriam, provi-
dentiam vero generalis includit rancum ineffi-
ciam: Ergo cum idem sit constitutivum & distin-
ctivum res, prædestinationis in actu voluntatis
consistit.

Confirmatur secundò: Prædestinationis &c. &
probatio ad eandem potentiam pertinent: Sed
reprobatio est actus voluntatis, ideo detrac-
tio & odium Dei, iuxta illud ad Roman. 9. 14.
eb̄ dixi, Esau autem odio habui: Ergo & præde-
stinationis.

Ad objectionem, concessa Majori, nego Mi-
norem. Si enim per impossibile Deus haberet
solum actum voluntatis conferendi Petro glo-
riam, nec ex tali actu voluntatis subsequenter
actus imperii illum efficaciter ad gloriam ordi-
nans, de facto Petrus eam non consequeretur.
Unde ad probationem in contrarium, dico quod
non stare D. dum efficaciter velle aliqui gloriam,
nisi ea in suo tempore efficaciter consequatur;
quia ex vi illius volitionis efficacis, tanquam ex
prima radice sequitur actus imperii, qui est effi-
cax ordinationis mediiorum in finem vita extre-
ma. Unde hoc argumentum solum probat præde-
stinationem initiativæ & radicaliter consistere
in actu voluntatis, & illum in ejus essentia im-
portari, saltem præsuppositivæ, & de concur-
to, ut antea declaravimus.

Ex quo etiam patet responsio ad primam
confirmationem. Respondeatur enim verum esse
prædestinationem distinguere à communis præ-
dilectione, per hoc quod includit de comorato &
etiam efficacem divina voluntatis conferendam
media efficacia ad consecutionem finis; ex hoc
tamen non infertur quod essentialiter consistat
in actu voluntatis, sed tantum quod consistat in
actu intellectus, connotante efficacem volitionem,
& eam in virtute continentem.

Ad secundam, concessa Majori, nego Mi-
norem: Nam sicut approbat, cum sit quedam
examinationis simul cum iudicio rationis, ad intel-
lectum pertinet, ita & reprobatio. Unde D.
Thomas hic art. 2. docet quod illa est pars pro-
videntiae, sicut & prædestinationis: providentia au-
tem, ut ostendimus Tractatu præcedenti, ad in-
tellectum pertinet. Nec oblat quod Apostolus
reprobationem, odium; & prædestinationem
dilectionem appelleret: his enim nominibus ap-
pellatur ad significandum, quod utraque actu
voluntatis supponit, ut supra vidimus ex D. Tho-
mas. Sic idem S. Doctor 1.2. quæst. 13. art. 1. ad 1,
docet electionem collatione appellari, non quia
essentialiter collatio sit, sed quia collationem
factam per intellectum supponit. Et qu. 16. art. 1.
ad 1. art. Augustinum afferre quod ut est refer-
re, non quia usus essentialiter est ordinatio, sed
quia tendit in objectum per rationem ordinati.

Objicies tertio contra secundam conclusio-
nem. De conceptu prædestinationis non solum
est ordinatio, sed etiam efficacia & motio quadam
exercitum: At efficacia & motio ad voluntate
spectat, sicut ordinatio ad intellectum: Ergo de
essentia prædestinationis in recto, non solum est
actus intellectus, sed etiam actus voluntatis,

Respondeo ex supra dictis: Motionem voli-
tavam esse à voluntate, motionem autem ordina-
tivam ab intellectu in virtute præcedentis actus
voluntatis, ut docet D. Thomas locis supra citati.
De essentia autem prædestinationis non est
motio appetitiva, sed ordinatio motiva, & ideo
est

et ab intellectu ad quæ ut eliciente; à voluntate auctem solum remorè originaliter, & antecedenter.

⁷² Dices: *Esse volitum ita est proprium voluntatis, ut nullo modo intellectui communicari possit.* Ergo etiam esse motivum quoad exercitium.

Sed nego Consequentiam & paritatem. Ratio dicimus est, quia ratio volitivi est substantia actis voluntatis; efficacia autem motiva, non substantia, sed modus eius: unde sicut libertas, tam et voluntati tributatur ut primo principio, adhuc tamen intellectus ex subordinatione ad voluntatem communicatur, quia illa est quidam mox illius; ita ob eandem rationem intellectus efficacia motiva communicari potest, licet et volitivilli communicari nequeat.

⁷³ Objetus quartus contra ultimam conclusionem D. Thomas 2.2. quest. 49. art. 5. ad 3. ait: *In subordinatione ad finem que includitur in ratione prudentie, importatur rectitudo consilij, & judicij, o propositi.* Ergo iuxta D. Thomam, providentia & consequenter prædestinationis, non consistit ad aperte in imperio, sed etiam in consilio & iudicio regulante electionem.

⁷⁴ Respondeo rectitudinem consilii & judicij importari in ordinatione, in qua providentia consistit, non constitutive & formaliter, sed virtutaliter & presuppositivè: tum quia sine illis rectitudo imperii subsistere nequit: tum etiam quia in actibus animæ ordinatis, præcedens clausus virtualiter in sequenti. Unde ut docet D. Thomas quest. 5. de verit. art. 1. ad finem corporis, *Inprudentia quodammodo includitur, & voluntas que est de fine, & cognitio finis:* quia scilicet uterque actus ad illam supponitur.

⁷⁵ Objetus ultimò contra eandem conclusionem. Prædestinationis est causa suorum effectuum: Sed imperium subsequens electionem, non est causa effectuum prædestinationis: nam in vi decreti se electionis efficacis Dei, illi constituntur futuri: Ergo in imperio electionem subsequente prædestinationis non consistit.

⁷⁶ Confirmatur primò: Si per impossibile posita electione efficacis non sequeretur imperium, homines essent prædestinati, quia ex vi electionis infallibiliter gloriam consequerentur: Ergo antecedenter ad illud salvatur prædestinationis silentia.

⁷⁷ Confirmatur secundò: Illud imperium cum supponat decretum efficacis divinæ voluntatis, eq̄. initiatum, non est scientia simplicis intelligentia, sed visionis eorum quae ad finem prædestinationis conductum: At scientia visionis suum objectum non causat, sed causatum supponit: Ergo imperium subsequens electionem, non causat prædestinationis effectus, ac proinde in illo prædestinationis non consistit.

⁷⁸ Ad objectionem, concessa Majori, nego Minorem. Ad cuius probationem distinguo Antecedens: Constitutum futuri, inchoative, & in ordine intentionis, concedo Antecedens. Complete, & in ordine tam intentionis quam executionis, nego Antecedens & Consequentiam. Sicut enim in sententia Suarisi, & aliorum qui admittunt in Deo potentiam executivam, ab intellectu & voluntate virtualiter distinctam, ex hoc quod electio divina voluntatis sit efficax, non sequitur ex vi illius rem electam constitui complete futuram, ita ut necessarius non sit concursus potentia exequentis, quæ est posterior ipsa

A eo quod solum in suo ordine illam futuram constituit; ita nec in nostra sententia sequitur, necessarium non esse concursum imperii divini, sed solum colligitur illud cum efficaci electione esse infallibiliter connexum.

Ex quo patet solutio ad primam confirmationem: Dato enim illo impossibili, solum inchoative homines essent prædestinati, non vero formaliter; nec in illo casu gloriam consequerentur, sed solum esset gloria inchoative futura, non tamen completere, nec executioni foret mandanda: quia ad executionem & productionem rerum non sufficit electio, seu decretum intentionis, sed praeterea requiritur usus activus, seu decretum executionis, & consequenter imperium illud dirigen, ut constat ex dictis articulo precedentibus.

B Ad secundam, concessa Majori, distinguo Minorem. Scientia visionis suum objectum non causat, sed causatum supponit: quando est pure speculativa, concedo Minorem. Si sic eminenter speculativa & practica, nego Minorem & Consequentiam. Vel secundò distinguo eandem Minorem: Scientia visionis suum objectum non causat, sed duplicative ut visionis est, transeat. Ut est practica, & approbationis, nego. Utraque solutio latè fuit exposita in Tractatu de scientia Dei.

80

Diss. 3.
art. 2.
& 3.

ARTICULUS IV.

C An prædestinatione sit pars subjectiva vel obiectiva divinae providentiae?

§. I.

Referuntur sententia, & vera eligitur.

C Ommunis consensus Theologorum est prædestinationem esse partem providentiae. Ita D. Thomas in 1. dist. 40. quest. 1. art. 2. & qu. 6. de veritate art. 2. Quare tota difficultas est in explicando quomodo sit pars, & an comparetur ad illam tanquam pars subjectiva, id est ut inferioris essentiale ad superiorius, ita quod providentia ut sic dividatur in quatuor vel quinque attributa virtualiter distincta: scilicet in providentiam naturalem, supernaturalem generalē, prædestinationem, reprobationem & providentiam ordinis hypothatice; eo ferè modo quo virtus moralis in Deo dividitur in misericordiam, justitiam, liberalitatem, &c. tanquam in diversa attributa, virtualiter inter se distincta. Vel solum sit pars obiectiva illius, ita ut una & eadem providentia virtualiter indistincta attingat illos tres ordines, natura, gratia & unionis hypothatice, & solum ratione diversorum objectorum materialium ad quæ se extendit, diversa nomina sortiatur. Sicut scientia licet sit unicum attributum virtualiter indistinctum, dividitur tamē in scientiam simplicis intelligentia & visionis, approbationis & improbationis, &c. per ordinem ad diversa obiecta materialia ad quæ terminatur, ut in Tractatu de scientia Dei declaravimus.

E Prima ergo sententia docet prædestinationem ab aliis providentiæ partibus distinguiri attributis, sicut distinguuntur intellectus & voluntas, vel scientia & amor, & cōsequenter comparari ad providentiam ut sic, tanquam partem subiectivam illius. Pro hac sententia refertur Soto super Epistolam ad Romanos, cap. 9. Illam insinuat Molina quæst. præcedenti art. 2. disp. 2. & pro-

81

art. 3.

B ba